



Broj: 07-03-11-27763/23
Sarajevo, 22.06.2023. godine

Na osnovu člana 4. Zakona o izvršenju Budžeta Kantona Sarajevo za 2023. godinu („Službene novine Kantona Sarajevo”, broj 15/23), Odluke Vlade Kantona Sarajevo, broj 02-04-27760-34/23 od 15.06.2023. godine, a u vezi sa tačkom VI Programa “POSLOVNI SAJMOVI ILI SLIČNE MANIFESTACIJE 2023” u svrhu promocije i razvoja privrede u Kantonu Sarajevo za 2023. godinu, broj 02-04-27760-34.1/23 od 15.06.2023. godine, Ministarstvo privrede Kantona Sarajevo kao nosilac budžetskih sredstava, raspisuje

JAVNI POZIV

za sufinansiranje (dijela troškova) programa i projekata poslovnih subjekata (obrti, d.o.o.) i udruženja koji organizuju poslovne sajmove ili slične manifestacije u svrhu promocije i razvoja privrede u Kantonu Sarajevo za 2023. godinu
"POSLOVNI SAJMOVI ILI SLIČNE MANIFESTACIJE 2023"

I PREDMET JAVNOG POZIVA

Ovim Javnim pozivom za sufinansiranje (dijela troškova) programa i projekata poslovnih subjekata (obrti, d.o.o.) i udruženja koji organizuju poslovne sajmove ili slične manifestacije u svrhu promocije i razvoja privrede u Kantonu Sarajevo za 2023. godinu "POSLOVNI SAJMOVI ILI SLIČNE MANIFESTACIJE 2023" (u daljem tekstu: Javni poziv) utvrđuju se izvor, način i uslovi dodjele finansijskih sredstava, način realizacije programa, pravo učešća, uslovi odabira korisnika sredstava, tekst javnog poziva.

II FINANSIJSKA SREDSTVA

Finansijska sredstva za realizaciju ovog Javnog poziva planirana su u Budžetu Kantona Sarajevo za 2023. godinu, na razdjelu 18 – Ministarstvo privrede Kantona Sarajevo (u daljem tekstu: Budžet 2023), na ekonomskim kodovima:

- Ekonomski kod 614300, subanalitika IAN059, funkcija 041F - "Organizacija privrednih i sajamskih manifestacija" u iznosu od 100.000.00 KM,
- Ekonomski kod 614300, subanalitika IAN015, funkcija 049F - "Podrška projektima neprofitnih organizacija" u iznosu od 100.000.00 KM.

Finansijska sredstva su namjenjena za sufinansiranje (dijela troškova) programa i projekata za organizovanje poslovnih sajмова ili sličnih manifestacija.

Finansijska sredstva se mogu odobriti samo po jednom programu ili projektu, jednom podnosiocu prijave/aplikantu, dok ista mogu iznositi maksimalno do 10.000.00 KM (ne uključujući vlastito učešće i učešće sredstava obezbjeđenih iz drugih izvora).



Finansijska sredstva su osigurana za do 10 poslovnih subjekata (obrti, d.o.o) i do 10 udruženja koja organizuju poslovne sajmove ili slične manifestacije, imajući u vidu gornju granicu koja iznosi maksimalno do 10.000,00 KM. Ukupan iznos sredstava će se odobriti svima onima koji ispune sve tražene kriterije na način da će se ukupan iznos sredstava rasporediti procentualno shodno ostvarenom odobrenom iznosu iz projekta.

III NAČIN REALIZACIJE PROGRAMA

Javni poziv provodi Ministarstvo privrede Kantona Sarajevo (u daljem tekstu: Ministarstvo), u skladu sa usvojenim Programom "POSLOVNI SAJMOVI ILI SLIČNE MANIFESTACIJE 2023" u svrhu promocije i razvoja privrede u Kantonu Sarajevo za 2023. godinu. Preliminarna i Konačna rang lista poslovnih subjekata (obrt i d.o.o.) i udruženja će biti dostupna na web stranici Ministarstva na <http://mp.ks.gov.ba>.

IV PRAVO UČEŠĆA NA JAVNOM POZIVU

Pravo učešća na ovom Javnom pozivu imaju poslovni subjekti (obrti, d.o.o.) i udruženja koja organizuju poslovne sajmove ili slične manifestacije, i to:


- a) sa registrovanim sjedištem na području Kantona Sarajevo, a čija registrovana djelatnost je vezana za promociju privrede,
- b) koji su obezbjedili vlastito učešće i/ili učešće sredstava iz drugih izvora u iznosu od minimalno 15% vrijednosti programa ili projekta,
- c) koji su organizirali ili koji će organizirati poslovni sajam ili sličnu manifestaciju u 2023. godini, s ciljem promocije poslovnih subjekata i privrednih potencijala na području Kantona Sarajevo za 2023. godinu.

NAPOMENA: Poslovni subjekti i udruženja kojima su dodjeljena podsticajna sredstva od ovog Ministarstva iz svih prethodno zaključenih ugovora o sufinansiranju iz budžetskih sredstava (ili po osnovu ranije dodjeljenih sredstava, ako nisu zaključeni ugovori), a koja nisu uredno opravdana do dana objave Javnog poziva, ne mogu ostvariti pravo na dodjelu finansijskih sredstava po ovom Javnom pozivu (dodatna službena provjera od strane Ministarstva privrede).

V OPĆI USLOVI ZA ODABIR POSLOVNIH SUBJEKATA I UDRUŽENJA

Poslovni subjekti (obrti, d.o.o.) i udruženja koja se prijavljuju moraju ispuniti sljedeće uslove:

1. da nemaju status: javnog preduzeća, javne ustanove, javne institucije, organa ili jedinice lokalne samouprave ili bilo koje druge javne institucije, banke i druge finansijske organizacije (oblasti po KD BiH 2010: 64-66);
2. da nemaju status poslovnog subjekta koji obavlja djelatnost kockanja i kladenja (oblasti po KD BiH 2010: 92);
3. da su registrovani;
4. - kao privredno društvo sa ograničenom odgovornošću (d.o.o.),
5. - kao lice koje samostalno obavlja registrovanu poslovnu djelatnost kao **osnovno zanimanje** (obrt) ili
6. - da su upisani u odgovarajući registar sa registrovanim područjem djelovanja koje je u skladu sa prioritetima za koje se dodjeljuju sredstva (udruženja);
7. da imaju izmirene obaveze po osnovu javnih prihoda, zaključno sa 30.04.2023. godine;
8. da imaju izmirene obaveze plaćanja indirektnih poreza, zaključno sa 30.04.2023. godine;
9. da se protiv podnosioca prijave - odgovornog lica ovlaštenog za zastupanje ne vodi krivični postupak i da nije pravosnažno osuđen za privredni prekršaj i/ili počinjenje krivičnog djela i/ili privredni prestup u posljednjih 5 godina;
10. da uz prijavu na Javni poziv dostave elektronski uredno popunjen **Obrazac za prijavu na Javni poziv** definisan ovim Programom;



11. da jedan poslovni subjekt (obrt, d.o.o.) ili udruženje može prijaviti samo jedan program/projekat koji se realizuje u 2023. godini.

VI JAVNI POZIV

Ministarstvo privrede Kantona Sarajevo će Javni poziv objaviti na web stranici Ministarstva privrede Kantona Sarajevo - <http://mp.ks.gov.ba>.

VII OBAVEZNA DOKUMENTACIJA

Podnosilac prijave treba dostaviti sljedeću obaveznu dokumentaciju u **ORIGINALU ili OVJERENOJ KOPIJI (kopija ovjerena od strane općine ili notara)**:

- 1 **“Obrazac za prijavu na Javni poziv”**, uredno i sadržajno **elektronski** popunjen, isprintan, potpisan od strane ovlaštenog lica i ovjeren pečatom poslovnog subjekta (obrt, d.o.o.) ili udruženja, te u printanoj verziji dostavljen sa kompletnom traženom dokumentacijom. Upute za popunu Obrasca:
 - a Projekat treba da sadrži sve elemente iz Obrasca za prijavu, te jasno objašnjenje o kakvom se projektu radi;
 - b Projekat mora predvidjeti broj mjerljivih rezultata na koje će realizacija projekta imati najviše efekta;
 - c U pregledu budžeta projekta (poseban prilog) predstavljaju se troškovi do kojih implementator projekta očekuje da će doći za vrijeme trajanja projekta;
 - d Pregled budžeta treba da odgovara opisu prijedloga projekta, a stavke budžeta treba da prate logičan slijed aktivnosti na način kako je projektom navedeno;
 - e Potrebno je specificirati planirane aktivnosti i navesti izvore finansiranja navedenih aktivnosti iz vlastitih i/ili drugih izvora;
 - f U sklopu projektnog prijedloga dostavljaju se dodatna pojašnjenja budžetskih stavki navedenih u formi pregleda budžeta;
 - g Tabelarni prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke (u slučaju već realizovanog projekta u 2023. godini, dostavljaju se i dokazi o troškovima realizovanog projekta, te dokazi o izvršenom plaćanju troškova realizovanog projekta).
- 2 **Aktuelni izvod iz sudskog registra (d.o.o.)** - ne stariji od tri mjeseca računajući od dana objave Javnog poziva
Rješenje o registraciji podnosioca (obrt, udruženje) – ne starije od tri mjeseca računajući od dana objave Javnog poziva;
- 3 **Obavijest o razvrstavanju poslovnog subjekta** po djelatnosti prema klasifikaciji - izdat od strane Federalnog zavoda za statistiku (d.o.o., obrt);
- 4 **Uvjerenje o poreznoj registraciji** poslovnog subjekta (ID broj) izdat od strane Porezne uprave (d.o.o., obrt);
- 5 **Uvjerenje nadležne Porezne uprave Federacije BiH o izmirenim dospelim obavezama po osnovu direktnih poreza zaključno sa 30.04.2023. godine (d.o.o., obrt),
Izjava o izmirenim dospelim obavezama po osnovu direktnih poreza zaključno sa 30.04.2023. godine (udruženje);**
- 6 **Uvjerenje UIO o izmirenim dospelim obavezama po osnovu indirektnih poreza zaključno sa 30.04.2023. godine (d.o.o., obrt)
Izjava o izmirenim dospelim obavezama po osnovu indirektnih poreza zaključno sa 30.04.2023. godine (udruženje);**
- 7 **Izjava da se protiv podnosioca prijave - odgovornog lica iz rješenja o registraciji/osnivanju, ne vodi krivični postupak i da nije pravosnažno osuđen za privredni prekršaj i/ili počinjenje krivičnog djela i/ili privredni prestup u zadnjih 5 godina (d.o.o., obrt, udruženje);**



- 8 **Dokaz o obezbjeđenim vlastitim sredstvima** i/ili sredstvima obezbjeđenim iz drugih izvora (Izvod ili Potvrda ovjerena od banke ili drugi relevantan dokument), ne starije od tri mjeseca računajući od dana objave Javnog poziva (d.o.o., obrt, udruženje);
- 9 **Uvjerenje banke** da je žiro račun subjekta aktivan, ne starije od tri mjeseca računajući od dana objave Javnog poziva (d.o.o., obrt, udruženje).

VIII ZAJEDNIČKE ODREDBE

Ograničenja korištenja sredstava:

Sredstva dodijeljena po Javnom pozivu ne mogu se pravdati niti realizirati za nabavku osnovnih sredstava i servisne usluge (usluge krećenja, održavanja i sl.):

Odobrena sredstva se ne mogu koristiti za pravdanje i/ili isplate administrativnih troškova (struja, voda, prevoz, telefon, mobitel, fax, poštanski troškovi i sl.) u iznosu većem od 20% odobrenih sredstava:

Projekat/program za čiju realizaciju se dodjeljuju sredstva Ministarstva treba da sadrži informaciju da je Ministarstvo privrede Kantona Sarajevo finansijski podržalo realizaciju predmetnog programa/projekta na odgovarajućem vidnom mjestu, u svim verzijama i kopijama, kao i logotip Ministarstva privrede Kantona Sarajevo;

Sredstva koja se dodjeljuju po Javnom pozivu mogu se pravdati i koristiti isključivo za troškove vezane za organizaciju poslovnog sajma/manifestacije za koji se aplicira po Javnom pozivu.

IX IZBOR KORISNIKA I PRAVNA ZAŠTITA

Pregled prijava i dokumentacije, obradu i kontrolu svih podataka, te ocjenu o ispunjavanju svih uslova vršit će Komisija imenovana rješenjem ministra Ministarstva privrede Kanton Sarajevo.

Ministarstvo će objaviti preliminarne rezultate Javnog poziva na web stranici Ministarstva privrede Kantona Sarajevo <http://mp.ks.gov.ba> objavom Preliminarne rang liste sa poslovnim subjektima i udruženjima koji ispunjavaju uslove i poslovnim subjektima i udruženjima koji ne ispunjavaju uslove, sa navedenim razlozima prihvatanja ili neprihvatanja prijave.

Poslovni subjekt ili udruženje čija prijava ne ispunjava uslove sa razlozima za odbijanje sufinansiranja projekta/programa, a koji smatra da je njegovo pravo povrijeđeno u postupku izbora korisnika sredstava, može uložiti prigovor (potpisan od ovlaštenog/odgovornog lica i ovjeren pečatom poslovnog subjekta ili udruženja) i isti dostaviti Ministarstvu u roku od sedam dana od dana objave Preliminarne rang liste.

Prigovor se ne može podnijeti ako je prijava odbijena kao neblagovremena, nepotpuna ili neuredna.

Prigovore po prijavama razmatra drugostepena Komisija koju imenuje ministar Ministarstva privrede Kanton Sarajevo.

Svaki član bilo koje komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.

U slučaju većeg broja odobrenih prijava koje ispunjavaju uslove iz Javnog poziva, komisije su ovlaštene da procentualno svima umanje pojedinačno odobreni iznos srazmjerno planiranim sredstvima u Budžetu kako bi svi koji ispunjavaju uslove, proporcionalno broju bodova, ostvarili jednaka prava.


Za sufinansiranje realizacije odobrenih projekata zaključit će se pojedinačni ugovor između korisnika finansijskih sredstava i Ministarstva.

Ministarstvo po osnovu dodijeljenih finansijskih sredstava ima pravo da koristi informacije u vezi sa realizacijom projekta/programa u svrhu promocije Kantona Sarajevo.

Korisnik se obavezuje da će u svim prilikama u kojima je moguće naglasiti ovu vrstu podrške u svojim promotivnim medijskim nastupima kao da će i blagovremeno obavijestiti Ministarstvo o održavanju samog događaja.

X ROK PODNOŠENJE PRIJAVE

Posljednji dan za prijavu na ovaj Javni poziv je **14.07.2023. godine.**



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

XI MJESTO I NAČIN PODNOŠENJA PRIJAVA

Prijavu podnose poslovni subjekti (pravna lica – d.o.o., fizička lica - obrti koja samostalno obavljaju registrovanu poslovnu djelatnost kao osnovno zanimanje) i udruženja. Uz prijavu se dostavlja obavezna dokumentaciju propisanu Javnim pozivom.

Poslovna jedinica/podružnica pravnog lica - d.o.o. ne može samostalno podnijeti prijavu po Javnom pozivu, jer prijavu isključivo podnosi matično pravno lice - d.o.o..

Prijava se podnosi isključivo dostavljanjem elektronski popunjenog „*Obrasca za prijavu na Javni poziv*“, a isti se može preuzeti na web stranici Ministarstva (www.mp.ks.gov.ba) (obraci popunjeni ručno neće se uzeti u razmatranje).

Obrazac se dostavlja u printanoj verziji (potpisan od strane odgovornog lica i ovjeren pečatom poslovnog subjekta) sa pratećom obaveznom dokumentacijom navedenom u Javnom pozivu, u zatvorenoj koverti, na Protokol Kantona Sarajevo ili putem pošte na adresu:

**Ministarstvo privrede Kantona Sarajevo,
ul. Reisa Džemaludina Čauševića broj 1, 71000 Sarajevo,**

sa naznakom:

**"Prijava na Javni poziv POSLOVNI SAJMOVI ILI SLIČNE MANIFESTACIJE 2023
u svrhu promocije i razvoja privrede u Kantonu Sarajevo za 2023. godinu"
- NE OTVARATI**

Na poleđini zatvorene koverta navesti:

- naziv podnosioca prijave
- adresu i kontakt telefon podnosioca prijave

NAPOMENA: Neblagovremene, nepotpune i neuredne prijave na Javni poziv neće se uzeti u razmatranje.

